

# Powšitkowne WOZJEWJENJA

njedźela Božeje miłosće, 12. apryla 2026

## Přednošk w klóštrje Marijinej hwězdze

Pod temu „(Hišće) zakryte klóšterske pokłady: nowše slědženja k bibliotece kaž tež archiwej klóštra Marijineje hwězdy“, přednošuja a diskutuja wědomostnicy z Drježdžan a Lipska. Zarjadowanje wotměje so wutoru, 14. apryla, w 19.00 hodź. na Čerwjenej žurli klóštra. Wšitke zajimcy su witani. Zastup je darmotny.

## Modlenje w Róžeńće

Na modlenje před Najswjećišim su wěriwi sobotu, 18. apryla, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

## Wotewrjene pišćelowe empory w biskopstwje

Pod titulom „Pišćele wotamknjene – wotewrjene pišćelowe empory w biskopstwje“ su zajimowani přeprošeni, sobotu, 18. apryla, za kulisami cyrkwinskeje hudźby pohladać a skladnosć wužić, kralownu instrumentow zbliska dožiwić. Na akciji wobdźěla so mnohe cyrkwy Drježdžansko-Mišnjanskeho biskopstwa, kaž w Gerje, Zwickauwje, Freibergu, Lipsku, Drježdžanach a Budyšinje. Wotkaz k programej je pod [www.posol.de](http://www.posol.de) podaty.

## Požohnowanje motorskich

Popołodnj z požohnowanjom motorskich zahaji so njedźelu, 19. apryla, w 14.00 hodź. z nyšporom w Ralbičanskej cyrkwi. Přizamknje so zhromadny wulět.

## Oratorij „Nalěčo“

Z wulkim orchestrom a chórom Budyskeho Serbskeho ludoweho ansambla, z chórami Budyšin, Lipa, Meja a Łužyca kaž tež ze solistami Danielu Hazec, Stefanie Hauptfleisch, Patrikom Hornákom a Clemensom Heidrichom zaklinči w jónkrótnej konstelaciji oratorij „Nalěčo“ Korle Awgusta Kocora a Handrija Zejlerja. Předstajenja su planowane pjatk, 24. apryla, w 19.30 hodź. w Budyšinje kaž tež sobotu, 25. apryla, w Drježdžanach a njedźelu, 26. apryla, w Choćebuzu, a to w 17.00 hodź. Kartki předawaja mjez druhim online na internetowej stronje Serbskeho ludoweho ansambla. Link je pod [www.posol.de](http://www.posol.de) wozjewjeny.

## Ekumeniski nyšpor

W Chróšćanskej wosadneje cyrkwi budže njedźelu, 26. apryla, w 14.00 hodź. ekumeniski nyšpor. Wšo dalše so wozjewi.

## Wotewrjenje sezony

Miłočanski Křesćansko-socialny kubłanski skutk z.t. přeprošuje zhromadnje z klóštrom Marijinej hwězdu na wotewrjenje sezony do Zežiwjenskeho a zeloweho centruma w Pančicach-Kukowje, kotraž budže njedźelu, 26. apryla, w 14.00 hodź. Mjez druhim chcedza „štom lěta“ sadzić, tež za džěci změja pisany program. Na nalětnich wikach poskićuja regionalne produkty. Runočasnje wotewrju wustajeńcu „Klóšterska zahroda w změnje počasow“.

## **Pasjonske hry w Awstriskej**

Radworske Šmitec-Schwarzec wozydłownistwo přeprošuje wot pjatka do wutory, 26. do 30. junija, na putniku jězbu k pasionskim hram do awstriskeho St. Margaretha. Předstajenje budže pod hołym njebjom před impozantnej kulisu skały. Jězbu pře-  
wodźeć budže farar Gabriš Nawka. Nimo toho poskićuja kołoježby. Zajimcy móža so pola Šmitec-Schwarzec wozydłownistwa w Radworju přizjewić, telefonowe čisło (03 59 35) 28 60. Městna su hišće swobodne.

## **Na musical „Jesus Christ Superstar“**

Dalša jězba Radworskeho Šmitec-Schwarzec wozydłownistwa pod heslom „Wěra zetka hudźbu“ budže wot póndžele do štwórtka, 10. do 13. awgusta, do Erfurta. Wobdźělnicy wopytaja mjez druhim klóšter awgustinow a tamniši měšniški seminar. Dale wobdźěla so na Erfurtskich domowych swjedženskich hrach, hdžež předstaja musical „Jesus Christ Superstar“. Přizjewjenja přijimuje Šmitec-Schwarzec wozydłownistwo w Radworju, telefonowe čisło (03 59 35) 28 60. Městna su hišće swobodne.

## **Prózdnińska jězba za 4. do 8. lětnik**

Na jězbu do Zhorjelca su šulerki a šulerjo nětčišeho 4. do 8. lětnika w lětnich prózdni-  
nach přeprošeni. Wona wotměje so wot póndžele do pjatka, 3. do 7. awgusta. Swój-  
ski přinošk na wobdźělnika wučinja 130 eurow. Přizjewjenja přijimuja hač do pjatka,  
1. meje, online. Link na wotpowědnu stronu je pod [www.posol.de](http://www.posol.de) wozjewjeny.

## **Kónc tydženja k demokratiji**

Młodostni wot 14 lět kaž tež młodži dorosćeni Drježdžansko-Mišnjanskeho biskopstwa su na zhromadny kónc tydženja k demokratiji do Winfriedoweho domu w Schmiedebergu pře-  
prošeni, a to wot pjatka do njedžele, 24. do 26. apryla. Tak zeznajomja so mjez dru-  
him ze wšelakimi móžnosćemi, kak móža na politiskim polu sobu rěčeć a kak wopačne  
informacije wotkrywaja. Štóž chcył so na zarjadowanju wobdźělić, měł so hač do njedže-  
le, 12. apryla, online přizjewić. Link k tomu nańdu zajimcy pod [www.posol.de](http://www.posol.de).

## **Zawod do tematiki lětušich nabožnych prózdnińskich dnjow**

Drježdžansko-Mišnjanske biskopstwo poskićuje tež lětsa zaso zawod do tematiki nabo-  
žnych prózdnińskich dnjow. Přenje tajke zarjadowanje budže póndželu, 11. meje,  
wot 18.00 do 21.00 hodź. na Budyskej farje. Dalše je mjez druhim srjedu, 27. meje,  
w Drježdžanach planowane. Zdobom poskića zamołwići zawod tež online přez platfor-  
mu Zoom, a to štwórtk, 28. meje, wot 18.00 do 21.00 hodź. Přizjewjenja přijimuja online.  
Link k tomu kaž tež k dalším informacijam je pod [www.posol.de](http://www.posol.de) podaty.

